

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst ("Službene novine Zeničko-dobojskog kantona", broj: 7/10 i 3/23), na prijedlog Ministarstva za obrazovanje, nauku, kulturu i sport, Vlada Zeničko-dobojskog kantona, na 30. sjednici, održanoj dana 03.08.2023. godine, d o n o s i

ZAKLJUČAK

I.

Prihvata se Mišljenje Ministarstva za obrazovanje, nauku, kulturu i sport Zeničko-dobojskog kantona broj: 10-34-96-25/23 od 21.07.2023. godine, doneseno po Inicijativi Marine Mujkanović, poslanice u Skupštini Zeničko-dobojskog kantona za izmjenu člana 93. Zakona o visokom obrazovanju („Službene novine Zeničko-dobojskog kantona”, broj: 12/22) koju je imenovana pokrenula na 8. sjednici Skupštine Zeničko-dobojskog kantona održanoj dana 16.05.2023. godine, u smislu da se u članu 93. (Penzionisanje nastavnika i radnika iz reda nenastavnog osoblja), u stavu (1) riječ „akademska“ zamijeni sa riječju „kalendarska“, a koje se prilaže uz ovaj zaključak i smatra se njegovim sastavnim dijelom.

II.

Zaključak sa Mišljenjem iz tačke I. upućuje se u dalju skupštinsku proceduru.

III.

Zaključak stupa na snagu danom donošenja.

PREMIJER

Amra Mehmedić

Broj: 02-_____/23
Datum, 03.08.2023. godine
Z e n i c a

DOSTAVLJENO:

1x Ministarstvo za obrazovanje, nauku, kulturu i sport,
1x Stručna služba Skupštine,
1x a/a.

Na osnovu člana 18. stav 1 Zakona o kantonalnim ministarstvima i drugim tijelima kantonalne uprave („Službene novine Zeničko-dobojskog kantona“, broj: 10/15 i 8/22), postupajući po Inicijativi Inicijativi Marine Mujkanović, poslanice u Skupštinu Zeničko-dobojskog kantona koju je imenovana pokrenula na 8. sjednici Skupštine Zeničko-dobojskog kantona održanoj dana 16.05.2023. godine, prema Vladi Kantona i Ministarstvu za obrazovanje, nauku, kulturu i sport, Ministarstvo za obrazovanje, nauku, kulturu i sport daje sljedeće:

MIŠLJENJE

Uvidom u podnesenu inicijativu uvažene poslanice Marine Mujkanović, ovaj organ kantonalne uprave je zauzeo stajalište da ista nije prihvatljiva, a imajući u vidu sljedeće razloge:

- Članom 93. stav (1) Zakona o visokom obrazovanju („Službene novine Zeničko-dobojskog kantona“, broj: 12/22) propisano je da „*Nastavniku prestaje radni odnos na visokoškolskoj ustanovi na kraju akademske godine u kojoj navršava 68 godina života*“, dok je u stavu (2) istog člana propisano da: „*Radniku iz reda nenastavnog osoblja visokoškolske ustanove prestaje radni odnos na kraju kalendarske godine u kojoj navršava 65 godina života*.”
Iz citiranih odredbi jasno proizilazi da se u ovom slučaju ne radi o diskriminaciji nastavnika u odnosu radnike iz reda nenastavnog osoblja visokoškolske ustanove, imajući u vidu godine života za prestanak radnog odnosa. Naime, radniku iz reda nenastavnog osoblja visokoškolske ustanove prestaje radni odnos na kraju kalendarske godine (u kojoj navršava 65 godina života), a što je u skladu sa prirodom posla koje nenastavno osoblje obavlja na visokoškolskoj ustanovi, a za razliku od toga nastavnik ima mogućnost da radi do kraja akademske godine u kojoj navršava 68 godina života.
- Odredba člana 93. stav (1) Zakona o visokom obrazovanju je u skladu sa potrebama nastavnog procesa, a imajući u vidu da se početak i kraj akademske godine ne podudara sa početkom i krajem kalendarske godine.
- Ističemo da je odredbom člana 93. stav (3) Zakona o visokom obrazovanju propisana mogućnost da „*Izuzetno iz stava (1) i stava (2) ovog člana, nastavnik ili radnik iz reda nenastavnog osoblja može biti penzionisan na vlastiti zahtjev, ako ispunjava uslove za starosnu, prijevremenu i invalidsku penziju propisane Zakonom o penzijskom i invalidskom osiguranju („Službene novine Federacije Bosne i Hercegovine“, broj: 13/18, 93/19 - odluka US, 90/21 i 19/22).*“
- Također ovaj organ kantonalne uprave smatra da treba imati u vidu finansijske posljedice na Budžet Zeničko-dobojskog kantona koji su predstavljeni u Informaciji Univerziteta u Zenici, broj: 01-03-10-2274/23 od 16.06.2023. godine, gdje je navedeno da bi: *Predložena inicijativa za izmjenu Zakona opteretila Budžet Univerziteta u Zenici za 2023. godinu u visini od 113.216,00 KM, a što bi u svakoj narednoj budžetskoj godini opterećivalo Budžet Univerziteta u Zenici određenim iznosom u zavisnosti od broja nastavnika koji ispune uvjete za odlazak u penziju.*

S poštovanjem,

Zenica, 21.07.2023. godine

Broj: 10-34-96-25/23



MINISTRICA

Dražanka Subašić
Dražanka Subašić

HA